

KA
GRAMMAR KHASI

NA
KA BYNTA
K1 Klas Middle English

DA
I MISS D. FRANKLIN BASAIAWMOIT B.A. B.T.,
Rtd. Assistant Inspectress of Schools



1971

IA SHON HA RI KHASI PRESS, SHILLONG-1

KA
GRAMMAR KHASI

NA
KA BYNTA
K1 Klas Middle English

Doi

I MISS D. FRANKLIN BASAWMOH B.A. B.I.
Retd. Assistant Inspectress of Schools

La hikar English bad Grammar 16 snem ha
Government Girls' High School Dibrugarh ha
Jowai Government High School 1 snem, kum ka
Assistant Headmistress bad 14 snem kum ka
Assistant Inspectress

1971

Doi Re 1 25

SECTION

Ref. 7702

W. L. D. 100001

KA KTIEN LAMPHRANG

Ha ka pyithei thoh kot thoh-sla mynta ngi shem ba kawei ka jingduna ka long hapteng jong ngi ba ym don Grammar Khasi kaba hikai ia ki tynrai kumno ban kynnoh bad spel bad thoh beit ia la ka ktien ha ka rukom kaba beit, namai kata ngi shem ba bun ki khynnah Khasi, wat ha High School bad College ruh kiba ful ha ka Vernacular

I late Father H. Elias I la thoh ia ka Grammar Khasi na ka bynta ki skul Primary kaba long ka jingkyikhu lada ki nonghikai kin pynpule ia kane ka kot bad pyndonkam ia ki rule ne Añ ba la thoh langto Nga ngeit kan iarap shibun ban ter ia la ka ktien ha ka nongrim ka badei

Nga sngew ba ha kane ka juk, ngi da donkam eh sa ia ka Grammar ha la ka jong ka ktien tynrai na ka bynta ki M. E. School bad High School de Nga sngew ba kane ka jingpyrshang barit jong nga kan iarap ia ki khynnah ban pule bniah ia kine ki añ jong ka Grammar Khasi ban nangtei ia ki ha kaba thoh beit ia la ka jong ka ktien da kaba bud ia ki añ katkum ka Grammar

Ngan sa thoh sa ia kaba dei ia ka High School
de khnang ban nangtei ia la ka ktien kat kumba
ngi pyndonkam da ka ktien Sohra

La ai katto katne ki jingpyrshang, hynrei
kan bha ba ki nonghikai katba ki hikai ia ki
Text kin kylli ruh ia ki bynta ka Grammar ba ki
pynpule, kane kan iarap shibun ia ki khynnah
ba ka jingpyndonkam ia ki aifn ka Grammar
ban pynroi ia ki jingtup bad jingthoh ha la ka
ktien Khasi

Dated Shillong,

The 15th Sept 1970

Miss D Franklin Basajawmoit

KI JINGKDEW

		SLA
Lynnong	I K1 Alphabet	1
Lynnong	II Ka Senten bad k1 bynta jong ka	3
Lynnong	III K1 bynta k1 jingkren (Part of Speech)	6
	1 Noun bad jaid jong ka	6
	2 Ka Berb bad jaid jong ka	10
	3 Ka Pronoun bad jaid jong ka	13
	4 Ka Adjektib bad jaid jong ka bad k1 Artiki	19
	5 K1 Adverb	24
	6 Ka Priposishon	25
	7 Ka Konjongshon	26
	8 Ka Interjekshon	27
Lynnong	IV Jingpynkylla ia k1 ktien	27
	1 Nombar (Number)	28
	2 Jenda (Gender)	29
	3 K1 Kes (Case)	30
	4 K1 Tens	31
	5 K1 Mood	32
	6 Bois (Voice) bad k1 jaid jong ka	34
	7 Parsing	36
Lynnong	V Analaisis (Analysis)	40
Lynnong	VI Komplimen (Complement)	45

Lynnaong 1

**Ka Grammar ka long kata ka jingstad kaba
hikai kumno ban kren ban thoh bniah ia ki ktien**

Ha ka ktien Khasi ki don 23 tylli ki dak ia
kiba ngi khot *Alphabet* kiba long —

A B K D E G N G H I Ì J L M N Ñ O P
R S T U W Y

Ia kine ki dak la ia pynbynta ha ki *dak khraw*
kum A B K D bad dak tit kum a b k d

Ia ki *dak khraw* la pyndonkam ha kaba
sdang jong ka senten, ki kyrteng ki briew, ki lum,
ki wah, ki shnong kum — Nga don i miaw
Shillong, Umiam, Diengiei, Meri

Ki dak ki don arjaid ki jingsawa,

1 *Ki Vowel* kum —a, e, i, o, u, kiba don
ki sur ba pher

2 *Ki Konsonan* kum —b, k, d, haduh y,
lait noh kitei ki Vowel 5 tylli kine ki don tang
shi sur La pyniasoh ia ki Konsonan bad Vowel
ban pynlong *ka ktien* kaba don jingmut Kum —
bam, dih, dor, bet, hun

**Ka ktien ka mut ka jingpyniasoh ia ki Vowel
bad ki Konsonan**

Ki ktien ki don ka jingkynnoh (Syllable)

Ki jaid jingkynnoh—

1 *Shisien kynnoh* (Mono-syllable) kum —
bam, kot, um

2 *Ar sien kynnoh* (Di-syllable) kum —
Alhia, nongrep, suhkot, jakoid

3 *Lai sien kynnoh* (Tri-syllable) kum —
itynnad, diengsawdong, mawbyinna, sngewphylla

4 *Bun kynnoh* (Poly-syllable) kum — kiba
palat ia ka lai kynnoh kum —Presbiteri, para-
shongkha, Metropolitan

JINGPYRSHANG 1

1 Katno jaid ki don ki ktien? Iathuh
kyrteng ia ki bad kumno la pyndonkam ia ki?

2 Kiei ki Vowel bad kiei ki Konsonan?
Kumno la pyndonkam ia ki?

3 Kaei ka ktien?

4 Katno jaid ki jingkynnoh ki don? Ai
nuksa ar tylli ia kawei kawei ka jaid

Lynnong. 2**Ka Senten**

Haba ngi kren ne thoh, ngi pyndonkam ia
 ki ktien, ngi pyniasoh lang ia ki ban ai jingmut
 ba thikna

Ka senten ka long ka jingpyniasoh lang
ia ki ktien kiba ai ia ka jingmut ba thikna. Kum —
 Nga bam ja, Ka sim ka her, Ki ksew ki wiar,
 Ka long ka khynnah batipsngi

JINGPYRSHANG 2

Kino na kine ki kynhun ktien ki dei ki
 senten?

1 Ka para jong nga 2 Ka lyer ka long ka
 bakhriat 3 Ki ksew lamwir 4 Ka sngi ka
 phyrnai 5 Une u let 6 Ka kamra ka long ka
 baheh 7 Halor ka ben 8 Ka ding ka meh
 9 I mei bad pa jong nga 10 Phin leit shano?

Ka jingapynbynta ia ka senten.

Ka senten ka don ar bynta

1 Ngı kren shaphang uno uno u briew
 ne kiei kiei

2 Ngı ong ei-ei shaphang uta u briew
 ne kiei kiei

Kata shaphang kaba ngi kren ei ei la khot ka subjek

Ia kiei kiei kiba ngi kren shaphang ka subjek ngi khot ka Prediket.

Kum —

Sobjek	Prediket
1 Ka sim	ka her
2 K1 Mas1	k1 bam phlang
3 Ka Mar1	ka don 1 khun blang barit
4 U slap	u hap

JINGPYRSHANG 3

Ong ei ei shaphang kine k1 subjek —Kula1
K1 sim, Bombay, Ka Lin

JINGPYRSHANG 4

Pyndap kawei ka subjek ha k1 jaka ba lair

- 1 ———ka thiang
- 2 ———ka kem khna1
- 3 ———ka thaw skum
- 4 ———u kynih
- 5 ———k1 iet ia ka dud.
- 6 ———ka don lai tylli k1 jingkhang it.

- 7 —————ka tied
 8 —————rwa1 sngewtynnad
 9 —————iet ia 1 khun miaw.
 10 Shusien ha kawei ka por la don —————

JINGPYRSHANG 5

Phiah ia kine ki senten ha ka subjek bad
 Prediket —

1 Nga di1 dud 2 Ki sim ki thaw skum
 halor dieng 3 Ka Tngen ka leit thied khaw na
 hat 4 U leit jingiaseng man la ka sngi U Blei
 5 Ka kmie ka suh sopti 6 U Jo u leit skul man
 ka sngi 7 I Babu 1 hikaj bha ia ki khynnah
 8 U nongaplangbrot u iohsngew ia ka jingpah
 9 Ngim iabam ja noh 10 Sha surok la sied ka
 bol

Ka senten ka lah ban don tang kawei ka
 ktien, kum, “Mareh” lane “jubab” Kum ha
 kine ki senten, ngi iohi shai ba don ki ktien bym
 shym pyni, hynrei la shu sngewthuh Kane ka
 bynta ka dei ka Subjek

Haba nga ong, “Mareh” nga mut, “phi
 mareh” Lada phi tied ha ka jingkhong nga
 ong, “Rung” nga mut, “phi rung” phi ka subjek
 la shu sngewthuh wat lada la iehnoh

Lynnong 3

Ki bynta ki jingkren (Parts of Speech)

Ha ka jingkren jong ngi, ngi pyndonkam
ki ktien ban pyni ia ki jingmut jong ki bad ka leh
au ha ka senten

Don 8 jaid

1	Ka Noun	2	Ka Pronoun	3	Ka
Adjektib	4	Ka Berb	5	Ka Adverb	6
Priposishon	7	Ka Konjongshon	8	Ka In-	
				terjekshon	

1 *Ka Noun*

Ha ki senten —

1. Ka kot ka don⁷halor ka miej.

2. Ka sim ka her

Ngí kren shaphang ka kot, ka miej bad sim
Kine ki dei ki kyrteng bad la khot ia ki ki Noun

**Ka Noun ka long ka ktien kaba la pyndonkam
kum ka kyrteng jong kiei kiei. Kum —Khyn-
nah, Sim, Kot, Miej.**

JINGPYRSHANG 6

A Thoh 10 tylli kɪ Noun B Jied ɪa kɪ
Noun ha kine kɪ senten —

1 Ka masɪ ka aɪ dud 2 I mei ɪ bam ja
3 Nga thep kot ha ka pla 4 U Bill u thoh jing-
thoh 5 Kɪ sɪm kɪ thaw skum 6 Don um ha utaɪ
u khiew? 7 U Bing u puh lyngkha 8 Ka Rit ka
thoh shithɪ sha ka kmie 9 U Hatɪ u don kɪ
khmat kɪ barɪt 10 Don ar tylli kɪ shukɪ ha kane
ka kamra 11 Ka sngɪ ka don ha bneng 12 Ka
pyrtheɪ ka tyllun sawdong ɪa ka sngɪ

Kɪ Jaid Noun

Don 5 jaid kɪ Noun

1 Ka Proper Noun 2 Ka Common Noun
3 Ka Kollektɪb Noun 4 Material Noun 5 Ka
Abstrak Noun

1 *Ka Proper Noun ka long ka kyrteng ba-
thikna jong u briew ne jaka* Kum —U Joseph,
Dabid, Sin, Shillong, Bombay ɪa kɪ proper
Noun la sdang da u dak khraw

2 *Ka Common Noun ka long ka kyrteng
ba ɪa dei lang jong kajuɪ ka jaid la ɪa u briew
ne kiei kiei* Kum —U Shynrang, ka kynthɛɪ,
Masi, Kulai, Shnong, Dieng, Khulom, Kot, Ben.
Ha kɪ senten —Ka Shiri ka long ka khyannah.
Shillong ka long ka nongbah jong ka Assam.
Ka Delhi ka long ka nongbah jong ka India.

Shiri, Shillong, Assam Delhi, India ki dei
 ki Proper Noun bad khynnah, nongbah ki dei
 ki Common Noun

JINGPYRSHANG 7

A Kdew ia ki Proper bad Common Noun
 harum —

1 U Moses bad U Aion ki dei shi para
 2 U Akbar u la im ha ka por ka syiem Elizabeth
 3 Ka Delhi ka long ka nongbah ka India
 4 U Himalaya u de u lum ha India 5 Ka wah
 Brahmaputra ka dei ka wah bah ka Assam

B Thaw 4 tylli ki senten ba don Proper
 bad Common Noun —

3 *Ka Kollektiv Noun ka long ka kyrteng
 jong ki kynhun ki briew ne jingialang kiei kiei
 haba shim kum kawei Kum —Klas, kynhun
 shipai, paibah, kynhun sim, shi song, shikham
 Thaw senten da ki 4 tylli ki kolektiv Noun*

4 *Ka material Noun ka long ka kyrteng
 jong ki mar khyndew Kum —U Shyiap, dieng,
 dewiong, maw, nar*

5 *Ka Abstrak Noun ka long ka kyrteng
 jong kiei kiei ki ba ngim iohi ne ktah, hynrei ba ngi
 shu pyrkhat Kum —Jingsbun, jingieit, jinglot,
 jingkyrmen, ka hok, jinglong khynnah, jing-
 kohnguh*

JINGPYRSHANG 8

A Kdew kino kɪ Material Noun —

1 U shoh maw 2 Ka masɪ ka diɦ um
3 Kɪ tih shyiap 4 La tei ɲing da u maw it 5 Nga
thiew ɦiut 6 Ka ksɪar ka bakordor 7 Nga
thoh ha ka kot sada 8 Ka shini ka bathiang
9 Ka ɲingtah ka jlah mluh 10 Ngɪ ioh dewiong
na Sohra

B Thaw 3 tyli kɪ senten ba don Material
Noun

JINGPYRSHANG 9

A Kdew kino kɪ Abstrak Noun —

1 Ka jingkoit jingkhiah ka long ka spah
2 U Hatɪ u don ka bor bakhraw 3 La pyndap
ia ka dohnud jong nga da ka jingkmɛn 4 Ka
jingiap u kpa ka la pynsgewsɪh ia ka 5 Ka
jingiatyli ka long ka bor 6 Kɪ ia tare ha ka
jingdum 7 U la duh ia la kɪ kmie kɪ kpa ha ka
jinglong khynnah jong u 8 Ka jingkohnguh
ka kham kordor ban ia ka jingkɲia 9 Wat ju
iathuh lamler 10 Ka jingstad ka khambha ban
ia ka bor

B Pyndap da kɪ Noun ha kɪ jaka ba lait —

1 — ka pah mynstep 2 Bun — kɪ
mɪh ha kper 3 Ka — ka kdew ia ka por
4 Don — ha uto u khiew 5 Ka — khriat

ka beh — 6 Ka masi ka ai — ia ngi 7 Ka
 — ka ai — 8 U shoh — ha kper 9 K1
 — ialeh thma 10 Ka — ka jop barabor

2 K1 Berb (Verb)

**Ka Berb ka long ka ktien kaba iathuh ia kaei
 ba u briew ne kaei kaei k1 leh ne long Kum —**

1 Ka ding ka *meh* 2 U khynnah u *ryn-*
sied 3 U *long* u babha 4 Ka um ka *long* ka
 bakhriat

K1 Jaid Berb

1 *Transitive Berb ka long ka ktien kaba
 iathuh ba ka kam ka iaid sha kawei pat ka ktien*
 Kum —1 Ka D1l ka *bam* ja 2 K1 shoh ia u
ksew Ka ktien Ja bad Ksew kaba shah leh ei ei
 da ka Berb la khot Objek (Object)

2 *Intransitive Berb ka long ka ktien kaba
 iathuh ba ka kam ka sahkut tang ha u nongleh*
 Kum —Ka sngi ka *phyrnai*, k1 *rykhie*

Ha ka senten —U la ai ka *kot* ia ka *Jen*
 Hangne don artylli k1 objeł ka kot ka dei ka
Direct Objek ba ka jubab ka long aiu la ai bad
 kdew ia ka tiar Ka Jen la khot *Indirek Obiek*
 ba ka long ka jubab hano la ai bad ka kdew ia ka
briew.

Don katto katne k_i berb k_{iba} lah ban pyn-
donkam kum ka Transitive bad Intransitive

Kum —

Transitive

- 1 Nga *bam* ja
- 2 U *thoh* kot
- 3 U nongñiah u *pynsangeh* ia ka kali,
- 4 U nonghika_i u *kren* bun k_i ktien
- 5 U la *pyniaid* ia u kula_i sharum
- 6 U Hira u *pyniap* ia u bseñ

Intransitive

- 1 Kiba stad k_i *bam* suki
- 2 U *thoh* sha_i
- 3 Ka kali ka *sangeh* kynsan
- 4 Une u khynnah u *kren* teh teh
- 5 U la *iaid* sharum shaneng
- 6 U briew u *iap*

3 Auxiliary Verb

3 Auxiliary kamut iarap, k_i berb ba iarap
ia ka berb ba kongsan Kum —Phi *lah* ban leit,
Nga *lah* ban leh

**Ka Auxiliary berb ka long ka ktien ba iarap
ia ka berb ba kongsan ha ka senten.**

JINGPYRSHANG 10.

A Jied ia kɪ berb ha kine kɪ senten bad
iathuh la kɪ long kɪ Transitive, Intransitive ne
Auxiliary —

1 Kɪ khynnah basniew kɪ tap ia la kɪ
ɲɪŋbakla 2 Ka dɪŋ ka la pynɪŋ ia ka ɪŋ
3 Ka sŋɪ ka mɪh na mɪhŋɪ 4 Kɪ sɪm kɪ her
5 Nga lah ban treɪ kam 6 Ka blang ka la hap
hapoh pɪŋ 7 Khie leit peit ia la ɪ pa lashai
8 U bnai u la mɪh 9 U thoh sniew 10 Ka rel
ka la sangeh kynsan 11 Un sa wan 12 Shim
ia la kɪ kot bad leit sha ɪŋ 13 U Shipai un siat
suloi 14 Phi lah ban pyrshang pat 15 Ka
tyngab ka la dem ha u dieng bad pah

B Pyndap ia kɪ jaka ba duna da kɪ objek —

1 U kulai u la kynjat — 2 U la pyn-
pait — 3 Ka masɪ ka ai — 4 Ka la ai —
ia — 5 U dorɟi u la suh — 6 Ka miaw
ka la pynɪap — 7 Uba jop un ɪoh —
8 U pulit u la kem — 9 U la siat a u — da
ka —

K Thoh 5 tylli kɪ senten ba don kɪ berb
ba la pyndonkam kum ka Intransitive

D Thoh 5 tylli kɪ senten ba don kɪ berb
ba la pyndonkam kum ka Transitive

3 *Ki Pronoun*

Ka Pronoun ka long ka ktien ia kaba la pyn-donkam ha ka jaka jong ka Noun. Kum —U Joni u long u khynnah tipsngi bad baroh ki iet *ia u* Hangne *ia u* ka ieng na ka bynta ka noun *Joni*, namarkata ka dei ka Pronoun

JINGPYRSHANG 11

A Jied ia ki Pronoun ha kine ki senten bad iathuh ki ieng na ka bynta kano ka Noun

1 Haba u khla u la iohi ia ka skei, u la kynrup ia ka 2 U khynnah u la iohi ia ka Bol bad u la pyrshang ban shim ia ka 3 Thied ia ki, ki long ki sohpieng ki babha eh ha dukan 4 Ki khynnah shynrang ki la lap ia ka skum ha u dieng Ka la long ka baphylla Ki la shem 5 tylli ki pylleng ha ka 5 Ki khynnah kynthei ki la pynjah ia ka khadu, hynrei ka la shem ia ka hajan jong ka

B Pynkylla ia ki katto katne ki noun sha ki Pronoun ha ki senten harum —

1 Ka Martha ka la rwai sngewtynnad, ki briew ki la sngap ia ka Martha ki briew ki la sngewbha ia ka Martha Ki briew ki la iaroh ia ka Martha

2. Ki shipai ki la mynsaw Kine ki shipai ki dei ban leit sha Aspata Ki doktor kin pynkoi

ia kine ki shipai Ki doktor kin ym phah siew
tyngka ia ki shipai

3 U Ram u la iohi ia u Arjun U Ram u
la khot ia u Arjun U Arjun u la iuhab ia u
Ram U Ram bad u Arjun ki la ia leit lang Nga
iohi ia U Ram bad ia U Arjun

4 Nga don i khun kulai Nga ai kylihang
ia i khun kulai ha uwei u khynnah U khynnah
u la shong bad iaid lyngba ka ktieh

5 Nga iohsngew u Nongkhrong u pan jing-
iarap U nongkhrong u la tymmen eh bad tlot
Nga la ai ia u nongkhrong shi anna U nong-
khrong u la shim ia ka anna bad u la khublei ia
nga

Ki jaid Pronoun.

(1) Personal, (2) Demonstrative, (3) Relatib,
(4) Interogatib

1 *Ka Personal Pronoun ka long ka ktien
ha ka jaka jong u briew ba kren Kum —Nga
long ka khynnah kynthet, Ngı dei ban kren ia ka
jingshisha, Balei u shoh ia nga?*

(a) *Ka Pronoun ba kdew ia u briew ba kren
la ong ba ka long ha ka first person Kum —
Nga, U, Ngı*

(b) Ka Pronoun ba kdew ia u briew ha uba
ngi kien la ong ba ka long ha *ka Second person*.
Kum —Me, Phi

(k) Ka Pronoun ba kdew ia u briew ne kiei
kiei shaphang jong uba ngi kren, la ong ba
ka dei ka *third person* Kum —U, ia u, Ka,
ia ka, ia ki

(d) Haba ngi pyniasoh sa ka ktien *lade*
ne hi ha ki Personal pronoun bad kata ka kdew
ia ka Noun ne Pronoun la khot *Emphasising*
Pronoun (ba da shon jur) Kum —

1 Nga da *lade* nga iohi ia u 2 Phi
hi da *lade* ph'n batai ia ka 3 U hi da *lade* u
la ong kumta 4 ki hi ki la phla

(e) Haba ngi pyniasoh ia ka ktien *Lade* ne
hi ha ki Personal Pronoun bad ki long ki Objek
jong ka berb, hynrei ki kdew ia u juh u briew kum
ka subjek la khot *Rephleksib Pronoun* (ba ka kdew)
Kum —(1) U koidi u la sdien *ia lade* 2 Nga
bta *ia lade* tang shu khie (3) Ngı shukor *ia lade*
bunsien (4) Ki la pynsuhsat *ia lade* hi

JINGPYRSHANG 12

A Kdew ia ki Pronoun harum bad iathuh
ki dei ki jaid aiu

1 Nga bam ja. 2 U shoh ia lade (3) Ki
khynnah ki rieh ia lade. 4. Ngim ju kham iohi

ia lade kumba kiwei ki iohi ia ngi 5. Phi la batai
bha dalade 6 Ka la dih bih da lade 7 Nga
la khang ia ka khyrdop da lade 8 Phi da lade
phi la iohi ia u ba u leh ia ka? 9 Ngil la iohi
ia u syiem da lade 10 Ka hi ka la ong kumta.

2 *Ka Demonstratib Pronoun ka long ka
ktien ba kdew ia ki Noun ba la pyndonkam ha
shuwa bad ieng na ka bynta jong ki Kum —Kane,
katai, kine, kitai*

- 1 *Kane* ka long ka jungai i mama,
- 2 *Kine* ki long tang ki daw kai
- 3 *Katai* ka dei ka iing jong nga
- 4 *Kito* ki long ki kot jong nga,
- 5 Hangne ka kot ka babha Phi la ju
iohi ia *kane* mynshuwa?
- 6 Ka spah jong u ka kham bun ban ia kata
ka jong u lok jong u

3 *Ka Relatib Pronoun ka long ka ktien
kaha iathuh ia ka Noun ne kawei pat ka Pronoun.
Kum —Mano, Iano, Uno, Kano, Uba, Kiba.*

Une u long u briew uba la leh ia ka

Ka noun u briew ka leit ha shuwa ka Pronoun
kaba ka ieng bad la khot ia ka *Antecedent* (kata
kaba leit sha shuwa)

Ka Antecedent ka long ka Noun ne Pronoun kaba leit ha shuwa ka Pronoun na ka bynta ha ka ieng

Kum —Nga la iathuh ia u ia kaei ba u dei ban leh Kaei ka iathuh bad ka ieng naka bynta kaei kaei ba ka ieng na ka bynta 2 tylli ki Pronoun ne ka Noun bad ka Pronoun bad ka ktien kaei la khot ka *Compound Relatib*

4 *Ka Interogatib Pronoun ka long ka Pronoun ia kaba la pyndonkam ha kaba kyili jing-kylli* Kum —Uei Kano, Kaei, Aiu

Phi long uei? Kano ka ing jong phi? Phi leh aui? Ngam tip kaei phi leh?

JINGPYRSHANG 13

A Jied ia ki Demonstratib Pronoun —

- 1 Phi lah ban kheĩñ ia kane kaj'ngkheĩñ?
- 2 Kane ka dei ka kot jong nga, katai ka jong phi
- 3 Ai ia nga kawei na kito
- 4 Ym donkam ban sheptieng ia kata
- 5 Ngum lah ban khlem rkhe ia kaei ba u ong
- 6 Kane ka long shisha ka jingbakla

B Jied ia ki Interogatib Pronoun ha kine ki senten harum —

- 1 Kano ka ing I Mama jong phi?
- 2 Mano ba don hangtai?
- 3 Uei uba la jop?
- 4 Kano phin shim?
- 5 Kaei ka khubor?
6. Iano phi kwah?
- 7 Aiu phi iohi?

K Pyndap ki Noun ba iadei ha ki jaka
ba lait —

- 1 Haba ka Bina ka la iohi ia u khla — la
lynñiar
- 2 Ki lok ki ong — la iohi ia phi hynnin
- 3 Na kine ki khulom ar tyll, U Bok u
lah ban shim — ngan shim —
- 4 Ki nonghikai ki pynshitom ia ki khynnah
ki bym — kot
- 5 — la wan ban iarap ia ngi
- 6 Phi shem — ha ka kamra?

D Kdew ia ki *Pronoun* harum bad iathuh
ki dei na ka jaid aiu —

1 Ka Rita ka la pynhap ia ka siang kaba
ka la bat ha ka kti jong ka

2 Shisien la don kawei ka khynnah rit
ka kyrteng jong ka ka long ka Klin, bad haba
ka la dap 6 snem karta, ka kmie rad jong ka, ka

la ai ia ka kawei ka tupia saw Ka kmje jong ka
Klin ka la phah ia ka ban rah ia ka shang jong ka
sha khlaw bad pyndap ia ka da ki syntiew

3 Une u long u khynnah uba la pynpait
ia ka it

4 Ngı la leh ia ka da lade hi

5 Kane ka kot jong nga, katai ka jong phi

6 Mano ban leit bad nga ?

7 Ka jongno kane?

8 Uei ba la leh ia kane?

9 Ym donkam ban sheptieng ia kata

10 Ai ia nga khyndiat na kico

4 Ka Adjektib (Adjective)

**Ka Adjektib ka long ka ktien kaba batai ia
ka Noun ne Pronoun** Kum —Babha, basntew,
balieh, bathiang

1 U Paul u long u khynnah u *babha*
Ka ktien *babha* ka batai ia ka ktien *khynnah*.

2 Ka shini ka long ka *bathiang*
Ka ktien *bathiang* ka batai ia ka noun
shini lyngba ka berb "long"

3 U long u *babha*

Ka ktien *babha* ka batai ia ka Pronoun "U"
Ia kine la khot *Adjektib*

JINGPYRSHANG 14.

A Jied ia kɪ Adjektib ha kɪne kɪ senten
bad iathuh baleɪ kɪ dei kɪ Adjektib —

1 Ka Shillong ka long ka nongbah baheh
ka Assam bad Meghalaya

2 Ka masɪ ka long ka mrad bamyntoɪ

3 Ka Sisa ka long ka nar bakhɪa

4 Ka Bina ka long ka nongrwai ba bang

5 U Makashang u long u lum bajrong

6 Kɪ shrieh kɪ don kɪ tdong bajrong

7 Kɪ lohkreɸ kɪ long kɪ bajew

8 Ka sngɪ ka long ka baphyrnaɪ

9 Ka jingkheɪn ka long ka baeh

10 U Tiewkulap u long u syntiew baitynnad

B Pyndap adjektib ha kɪ jaka ba thyllɪ —

1 Ka khynnah ka don ka ryndang —.

2 Long u khynnah —

3 U Kulaɪ u long u mrad —

4 Hɜ ka sngɪ — ngɪ shiang um

5 Nangno ka lyntɪ — sha steshon

6 Ka Puri ka long ka rud durɪaw —

7 Ngɪ donkam shɪbun ka lyer —

8 Buh umdɪh ha u khiew —

9 U Asoka u long u syɛm —

10 Ngɪ dei barobor ban phong kɪ jain kɪ —

Ki Jaid Adjektib.

1 *Adjektib of Kwality ka long ka ktien ba batai ia ka jinglong u briew ne kaei kaei* Kum —Babha, basniew, baheh, bajrong, bad kiwei

2 *Adjektib of Kwantity ka long ka ktien ba batai ia ka jingbun jong ki* Kum —Saw ngut ki briew ki ia trei kam I babu Soso i la thoh shibun ki j'ngiathuh khana Nga donkam khyn-diat tyngka

3 *Demonstratib Adjektib ka long ka ktien ba batai ia ka Noun da kaba kdew ia ka* Kum —Une u slap la jur bha Nga bang ia kine ki sohpieng Peit ia katai ka dur baitynnad

4 *Interogatib Adjektib ka long ka ktien ba batai ia ka Noun da kaba kylli kano ne kaei* Kum —Kano ka kot phi kwah? U briew au une?

5 *Ka Possessib Adjektib ka long ka ktien ba batai ia ka Noun da kaba jubab ka jongno* Kum —Une u long u khulom jong nga Katai ka long ka ing jong nga

JINGPYRSHANG 15.

A Kdew ia ki Adjektib ha kine ki senten bad iathuh ki dei ki jaid au —

1 U Tirot Singh u long u briew u badon-nam

- 2 Ka Shillong ka long ka nongbah
baitynnad
- 3 Ka tymmen bapli ka ioh jingbam khyndiat
- 4 Ngı ia don san ngut shı para
5. Kataı ka kot jongno halor mıej
Lai phut long shı kot
- 7 Kane ka trep ba thaw I Pa
8. Sngewbha ai um khyndiat ban dih.
- 9 Ka Pubon ha Syndai ka long ka bajlan
bad badum
- 10 Ka Lama India ka don lai tylli ki ıong
kaba stem byrsaw, kaba lieh bad ba jyrngam-ıong,

B Buh Adjektib ha ki jaka ba thylli —

- 1 Shi taiew don — sngı 2 U Hati u
long u mrad — 3 — ki khla kiba bam
briew 4 Ki sngı ki shit, hynrei ki miet ki —
- 5 U Paintali — jong u Misterı dieng u la luiñ
- 6 Ka Umıam ka long ka wah — ha ri Khası
- 7 — ka kot kaba nga iet ban pulc 8 U
khulom — une ? 9 I pa jong nga I treı lyng-
kha ha — ki lum 10 — u khaw phi kwah ?

Jingpyniapher ia ki Adjektib

(Comparison of Adjective)

Ia ki adjektib lah ban pyniapher ha ki lai
jaid

1 *Ka positif digri* --Kum —U briew bajrong

2 *Ka Komparatib digri* —Haba ia nujor hapdeng artylli da kaba buh ka ktien *kham* ha ka adjektib Kum —U Bin u *kham jrong* ban ia u Hin

3 *Ka Suparlatib digri* haba ia nujor palat ia ki a1 tylli ne shibun bad la buh ia ka ktien *tam eh* Kum —U Lum Makashang u long u *bajrong tam eh* ha 11 India

JINGPYRSHANG 16

Iathuh ki adjektib ha kine ki senten harum ki dei ha ka *digri a1u* —

1 Nga don u let basaw 2 U khynnah um long u bastad 3 Ka Biti ka kham jrong ban ia ka Lina 4 Hynnin la theh u slap bakham jur 5 U la kiew ha u kulai basted tam 6 U briew u basbun u la isynei ia ka khynnah bapli 7 U khla u kham heh ban ia ka miaw 8 U T'rot Singh u kham shlur ban ia u David 9 Nga long ka bakmen 10 U tiew kulab u long u syntiew baiwbih tam eh

5 Ki Artikil (Article)

Ki artikil ki dei hi ki adjektib bad ha ka Khasi la buh da ka ktien Ka, U, Ki Kum —U ksew, *Ka miaw*

Don arjaid kɪ artikil

1 *Ka Dephinit artikil* haba batai thikna
ia ka noun kum kane *ka* ing ba nga shong,
U la leit sha U Doctor

2 *Ka Indephinit artikil* haba kam da batai
thikna ia ka noun Kum —Nga don *u* ksew
Nga kwah *u* let

Thaw 5 tylli kɪ senten kiba don ka Dephinit
bad Indephinit artikil

6. Kɪ Adberb.

Ka Adberb ka long ka ktien kaba batai ia
ka berb, adjektib bad ia kawei pat ka adberb.
Kum —Nga pule *jam*, Ka Sil ka long ka khynnah
batipsngi *eh* U la iaid suki *eh*

Don saw jaid kɪ Adberb

1 *Adberb of manner* (rukom) kumno la
leh ia ka kam Kum —U minot *bha*, Ka thoh
shai

2 *Adberb of time* (ka por) Ka pyni ia ka
por mynno la leh ia ka kam Kum —Kɪ poi
mynta U wan *tista* sha skul. Kan leit *lashai*

3 *Adberb of place* (ka jaka) ka pyni hangno
la leh ia ka kam Kum —Hangne, hangtai,
hangno, halor, hapoh U don *hangne*

4 *Adverb of digri* ka pyni katno la leh ia ka kam Kum —eh, kham, shibun, khyndiat U jaituh eh Ka kham smat U bam khyndiat.

JINGPYRSHANG 17

Kdew ia ki Adverb bad ia ki ktien ba ki batai bad ki jaid au —

- 1 Ki shipai ki ialeh shlur
- 2 U Tom u long u khynnah babha eh
- 3 U slap jur
- 4 Ka kot ka don hangne
- 5 U iaid suki eh
- 6 Kren suki bad shai bha
- 7 Ka sim ka rwai sngewtynnad
- 8 Nga sngewthait mynta ka sngi
- 9 Ka kren jam eh
- 10 Nga dei barobor ban kren ia ka jingshisha

7 Priposishon (Preposition)

Ha ka phareng *Pre* ka mut shuwa, *position* ka mut buh

Ka Priposishon ka long ka ktien ia kaba la buh ha shuwa ka noun ne pronoun ban pyni ia ka jingiadei jong ka bad kiwei pat ki ktien. Kum —Ka kot ka don *halor* ka mnej. Nga iaid kai *harud* wah U ai kot ia nga

Ia ka Noun ne Pronoun ba la buh ha shuwa
ka Priposishon, la khot ka objek (Object) kum
miej bad *nga*

JINGPYRSHANG 18

I Kdew ia ki Priposishon bad objek jong
kine harum —

1 I pa im don ha ing 2 Ka kot ka don
halor ka miej 3 Ieng hajan jong nga 4 Ngan
leit sha Sohra lashai 5 Buh ia ka synduk hapoh
ka jingthiah 6 U Tro u iaid hadien jong nga
7 U mareh sawdong ka madan 8 Ka tyngab
ka pynhap ruti hapoh pung 9 Ka shong
sha shiliang ka wah 10 Ki la wan baroh lait
tang i Mari

II Pyndap da ki Priposishon ha ki jaka
ba lait —

1 Nga shong — ka shuki 2 U peit —
ka dur 3 Wieh ia u khulom — ka sia 4 Ka
Jowai ka don — ka wah Myntdu 5 Ki sim
ki dem — dieng 6 U shoh — nga 7 Iarap
— ki 8 U thiah — jingthiah 9 Kaei
kato — ka kti? 10 Wallam ia u — nga

8 Konjongshon (Conjunction)

Ka Konjongshon ka long ka ktien kaba pyn-
iasoh lang ia ki ktien ne ki senten. Kum —
Ka Kri *bad* U Sanjoit ki iadei shi para U
iathuh ia nga *ba* u pang

JINGPYRSHANG 19.

1 Pyndap Konjongshon ha k_i jaka ba lait —

1 U Jak — Jil k_i long shi para 2 U
long u bahok — u long uba beit 3 Nga la
pyrshang — ngam lah 4 I mei i leit — nga
5 Bud — jong nga

9 Intarjekshon (Interjection)

Ka Intarjekshon ka long ka ktien ba la pyn-
donkam ha ka senten ban pyni ia ka jingsngew.
Kum — Ani ' aha ' ade ' wow !

JINGPYRSHANG 20

Kdew ia k_i Interjekshon —

1 Hip hore ' ka la jop 2 Wow ' nga la
iap 3 Ani ' u la shem eh 4 Ade ' ka la stad
5 Mei kynrad ' ka la jan hap hapoh um

Lynnong 4

JINGPYNKYLLA IA KI KTIEN (Inflexsion
of words)

Ng_i la pule ia k_i jingpyndonkam ia k_i ktien
bapher ban pynlong ia ka senten bad ia ka jing-
iadei jong k_i kawei bad kawei pat bad ha kano
ka rukom la pyndonkam ia k_i

Mynta ngin ia peit kumno ba ia kajuha ka ktien lah ban pynkylla ha ka dur ha ka jingpyn-donkam ia ka

Inphlekshon ka mut ka jingpynkylla ia ka jingmut jong ki ktien da kaba pynkylla ia ka dur hynrei ha ka Khasi da kaba ngi buh da kawei pat ka ktien
Ka, Ki Kum ha ka phareng — Man men, boy, boys, he, him Ha ka Khasi ngi buh U briew, ki briew, u ia u

Ia ki Inphlekshon lah ban pynbynta ha ki 4 ja'd Number, Jender, Kes bad Tense (Number), (Gender), (Case), (Tense)

Numbar (Number)

Haba ka Noun ne ka pronoun ka pyni ia kawei kaei kaei, la ong ba ka long ka *Singular Number* Kum —u, ka, uwei, kawei Haba ka Noun ne ka Pronoun ka pyni palat ia kawei ki la ong ba ka long ka *Plural* Kum *Ki*, —kiwei

JINGPYRSHANG 21

Iathuh ia ki numbar jong ki ktien ba la underline —

1. Nga iohi ia u Khla
2. Ki khynnah ki ialehka
3. Ki iait ban rwa

- 4 U nang ban shad
 5 U don shibun k_i masi
 6 K_i blang k_i bam phlang
 7 Kane ka kot ka don sanphew sla
 8 Nga kit shikhoh k_i phan

2 Jendar (Gender)

K_i ktien k_i kylla ha ka dur haba pyndonkam
 ia ka *kynthei* ne *shynrang* Kum —U briew, Ka
 briew, U sing, Ka sing, U, Ka

Ia k_i Noun ne Pronoun ba kdew ia k_i shyn-
 rang, la ong ba k_i dei ha ka *Maskulin Jendar*
 (Masculine Gender) Kum —U ksew, u hati

Ia k_i Noun ne Pronoun ba kdew ia k_i kynthei
 la ong ba k_i dei ha ka *Pheminin Jendar* (Feminine
 Gender) Kum —Ka masi, ka miaw

Ia k_i Noun ne Pronoun ba kdew ia k_i bymdei
 kynthei ne shynrang, bym don jingim, la ong ba
 k_i dei ha ka *Niwtar Jendar* (Neuter Gender).
 Kum —Ka miej, u maw, ka um

JINGPYRSHANG 22

Iathuh ia ki Jendar jong kine ki ktien harum—

- 1 *Ka long ka khynnah babha*
- 2 *Arngut ki shynrang bad lai ngut ki kyn-
thei ki don hangne*
- 3 *U dieng u bajrong*
- 4 *Ka miej ka baheh*
- 5 *Ka Sing kam don tdong*
- 6 *U dung kba*

3 Kes (Case)

Ka ktien ka kylla ha ka dur kat kum ka jingladei jong ka bad kiwei pat ki ktien ha ka Senten Kum —*U* la shoh *ia u*, ka ktien *U* ka dei ka subjek bad *ia u* ka objek

U kaba dei ka subjek, ka dei ha ka *Nominatib Kes* (Nominative Case) bad *ia u*, ka objek ka dei ha ka *objektib Kes* (Objective Case)

Ka Subjek jong ka Senten la ong ba ka dei ha ka *Nominatib Kes*, *katha ia ka objek la ong* ba ka dei ha ka *objektib kes*

Haba ong ka kot jong *u Ram* Ka pyni ba *U Ram* u dei u 'rai jong kata ka kot Jong u Ram ka dei ha ka *Posesib Kes* (Possessive Case).

JINGPYRSHANG 23

Iathuh kyrteng ia kɪ jaɪd Kes ha kɪne kɪ
Senten harum —

1 Ka Shillong ka dei ka nongbah jong
ka Assam

2 Nga la ɪohɪ ɪa u

3 U ksew u la daɪt ɪa u shrieh,

4 U shrieh u la daɪt ɪa u ksew

5 Ka pyrthei ka tyllun sawdong ɪa ka sngɪ

6 Ka kot jong ka Rɪt, ka lajah.

7 I kmie jong u ɪ laɪap

8 La pynshitom ɪa u khynnah

9 Phi tɪp ɪa ka lyntɪ?

10 Ka ɪng jong ka Resɪ ka la kyllon

4 Tens (Tense)

Ka Tens ka mut ka por—Ka ktien ba ɪathuh
ɪa ka por ha kaba la leh ne yn sa leh ɪa ka kam.

Kɪ don 3 tyllɪ kɪ Tens

1 *Present Tens*—Kaba ɪathuh ɪa ka kam
ba leh mynta Kum —Nga thoh jingthoh

2 *Past Tens*—Kaba ɪathuh ba la leh ɪa
ka kam bad la pynɪasoh da ka ktien, 'la' ha ka
berb Kum —Nga la thoh jingthoh

3 *Phiwshor Tens*—(Future Tense) kaba ia-
thuh ba yn sa leh ia ka kam Kum —Ngan
sa thoh jingthoh La pynasoh da ka ktien
'n' ha ka Pronoun bad ka ktien sa ha ka berb
ne, yn Kum —*Un sa wan Yn leh* mano ia
kane?

JINGPYRSHANG 24

Jied ia k1 berb ha kine k1 Senten bad iathuh
k1 dei ha ka Tens a1u —

- 1 Ka sng1 ka phyrnai
- 2 Nga la iashem ia u hynnin
- 3 Ka bneng ka la dum
- 4 Nga la iohthiah bha mynmiet
- 5 Un don ha ing shibit
- 6 K1 tre1 lyngkha
- 7 U ksew u la wiar mynmiet
- 8 Ngan sa ong iaphi
- 9 Nga shet jyntah
- 10 Kan sa khreh kot shibit

5 Mood

Mood (mud) ka long ka rukom ha kaba ia
ka herb la pyndonkam ban iathuh ei ei, ban hukum
ban kylli jingkylli ne pynpaw jingartatien.

Kum —1 I leit hangtai 2 Leit hangtai
3 Nga lah ban leit hangtai? 4 Lada nga leit
hangtai, nga lah ban iashem ia ka

Don saw jaid ki Mood

1 *Indikatib Mood* (Indicative Mood) *Ka dei kata ka ktien kaba iathuh ei ei* Kum —Nga bam ja

2 *Imperatib Mood* (Imperative Mood) *Ka dei kata ka ktien ba shu hukum* Kum —Mih shabar

3 *Intaroketib Mood* (Interogative Mood) *Ka long kata ka ktien kaba l ylli jingkylli* Kum —Phin leit noh?

4 *Sobjongtib Mood* (Subjunctive Mood) *Ka long kata ka ktien kaba shu tha ai ne pyni jung-aitatien* Kum —Lada nga leit, kan leit

Nalor kine ki 4 jaid don sa kawei pat ka jaid mood kaba shu iathuh ia kaei ba leh, la khot ia ka *Inphinitib Mood* (Infinitive Mood) Kum —Nga leit *ban rwai* *Ban map* ka long ka badonburom

JINGPYRSHANG 25

Kdew ia ki beib harum bad iathuh ki dei
ha ka Mood auu —

- 1 U John u rynsied 150 kot
- 2 Plie ia ka jingkhang.
- 3 Map ia ngi
- 4 Nga kwah ba un map ia ngæ
- 5 U Blei un long ryngkat bad phi
- 6 Sumar ia la ka jingkoit jingkhiah
- 7 U Blei un long lem bad phi
- 8 Nga nang ban shad
- 9 Lada nga dei u Syiem, ngan pynlong
myntri ia phi
- 10 Ban ialeh kai ka long ka jingkmien jong u
- 11 To suk to sain barabor
- 12 Phi dei ban trei
- 13 Sngewbha wan lashai
- 14 Lehse kan slap lashai

6 Bois (Voice)

**Ka Bois (Voice) ka pyni la ka Sobjek ka leh
ei-ei ne la leh ei-ei.**

Don ar jaid ki Bois (Voice)

1. *Aktiv Bois (Active Voice) Ka pyni ba
ka Sobjek jong ka berb ka long ka nongleh Kum.—*
1 U la pyniap ia u bseif. 2 U shoh ia u ksew.

2 *Passib Bois* (Passive Voice) *Ka pyni ba ia ka Sobjek jong ka berb la leh ei-ei Kum —*
 1 Ia u bseiñ la pyniap da u 2 Ia u ksew la shoh da u

Aktib Bois

- 1 U dih dud
- 2 Nga aı kot ia u
- 3 Shong khop
- 4 U dro ka dur
- 5 U Bleı un kyrkhu ia phi
- 6 Kı rep phan

Passib Bois

- 1 Ia ka dud la dih da u
- 2 Ia u la aı kot da nga
- 3 Aı ba un shong khop
- 4 Ia ka dur la dro da u
- 5 Aı ba U. Bleı un kyrkhu ia phi
- 6 Ia u phan la rep da kı

JINGPYRSHANG 26

I Jied ia kı berb bad ıathuh la kı dei ha ka
 Aktib ne Passib Bois —

- 1 La ıeit ia u da baroh
- 2 Kı pynher kot kudi

- 3 Ka miaw ka dih lut ia ka dud
- 4 La thep ia ka shithi hynnin
- 5 La ioh kem ia u nongtuh
- 6 La pyn'ap ia u ha thma
- 7 Ka la pynhoit ia ka dud
- 8 Ngı khmih lyntı khubor babha

II Pynkylla ia kine sha ki Passib Bois .—

- 1 U ksew u dait ia u khla
- 2 U siat ia u khla
- 3 U pulit u la kem ia u
- 4 Ka pynap ia nga
- 5 U Blei un kyrkhu iaphı
- 6 Ieng joit
- 7 Nga oynpait ia ka pela
- 8 U ksew u dait ia u Dik
- 9 U George Stephenson u la thaw ia ka
rel ba nyngkong
- 10 U myrsiang u la bud ia ı khla

7 Parsing

Ban parse ia ka ktien ka mut ban iathuh

- (1) Ka dei ka part of speech aiu?
- (2) Kumno la pynkylla ia ka?
- (3) Kumno ka iadei bad kiwei pat ki ktien
ha ka senten

II Ba parse ia ki Noun bad Pronoun dei
 ban iathuh ia ka jaid, ia ka nombar, Jendar,
 Kes bad Person

Kum —Ka *Bet* ka pynpait ia ka *Pela*

Bet—Propei Noun, Singular Nombar, Phe-
 minin Jender, 3rd Person, Nominetib Kes Ka
 long ka subjek jong ka berb, “Pynpait”

Pela—Common Noun, Singular Nombar,
 Niwtar Jendar, 3rd Person, Objektib Kes Ka long
 ka objek jong ka berb, “Pynpait”

2 *Ngilong shipara*

Ngilong—Personal Pronoun, Plural Nombar,
 Common Jendar 1st Person, Nominetib Kes
 Ka long ka subjek jong ka berb, “long”

Shipara—Common Noun, Plural Nombar,
 Common Jendar, 3rd Person, Objektib Kes
 Ka long ka objek jong ka berb, “long”

III Ban parse ia ka Adjektib bad Adverb dei
 ban iathuh ia ka jaid, ia ka digri bad ka jingiadai
 bad kiwei ki ktien ha ka Senten Kum —1 U
 nongbehmrad *bastad* u siat *ar tylli* ki skei

Bastad—Adjektib jong ka kwalitiy, Positiy
 Digri Ka batai ia ka Noun, “Nongbehmiad”

Ar tylli—Numeral adjektib Ka batai ia ka
 Noun, “Skei” *N B*—Ym don Digri hangne

2 Ka bam ja *shibun*

Shibun—Adjektib jong ka kwantiti, Positib
Digri Ka batai ia ka Noun, “Ja”

3 Nga la iohi ia u *hynnin*

Hynnin—Adverb jong ka por (Adverb of
Time) Ka batai ia ka berb, “La iohi”

4 Wat kren *sted eh*

Sted—Adverb jong ka Manner Ka batai
ia ka berb, “Kren”

Eh—Ka adverb jong ka Digri Ka batai ia
ka adverb, “sted”

Ban parse ia ka Berb, dei ban iathuh ia ka jaid,
ka Nombar, ka Person ka Tens, Bois bad Mood

Kum —1 U *Pyniap* ia u khla

2 Ka la *khreh kot* bha ba ka lah *ban*
long nyngkong

1 **Pyniap**—Transitib Berb, Singular Nom-
bar, 3rd Person, Presen Tens, Aktib Bois, In-
diketib Mood Ka iadei bad ka subjek, “U”

2 **La khreh kot**—Intransitib Berb, Singular
Nombar, 3rd Person, Past Tens, Aktib Bois,
Indiketib Mood Ka iadei bad ka subjek, “ka”

3 **Lah ban long**—Intransitib Berb, Singular Nombar, 3rd Person, Past Tens, Aktib Bois, Sobjongtib Mood Ka iadei bad ka subjek, “ka”

4 Ia u khla *la pyniap* da u

La pyniap—Transitib Berb, Singular Nombar, 3rd Person, Past Tens, Pasib Bois, Indiketib Mood Ka iadei bad ka subjek, “khla”

IV **Ban parse ia ka Priposishon**—Dei ban iathuh ia ka jaid bad jingiadei bad ka Senten

Kum —Ka sim ka dem *haloi* dieng

Halor—Simple Preposition (Priposishon)
La buh ia ka ha shwa ka Noun, “dieng”

V **Ban parse ia ka Konjongshon**—Dei ban iathuh ia ka jaid bad jingiadei jong ka bad ka Senten

Kum —U Jak *bad* ka Jill ki long shupara

Bad—Ka Konjongshon, Ka pyniasoh ia ka ktien, “Jak” bad “Jill”

2 U long u babha, *hynrei* u long u babieit

Hynrei—Ka Konjongshon, ka pyniasoh ia ka senten, “u long u babha” bad “u long u ba bieit”

Ha ka jingshisha ka Interjekshon kam dei ka Part of Speech

JINGPYRSHANG 27

Parse ia kɪ ktien ba ruid lain —

- 1 U Kulai balieh u bam phlang
- 2 Ka por mynta ka her sted eh
- 3 Ka kot ha ka miej ka long ka jongnga
- 4 U Ren u bajrong, hynrei u Ben u ba
lyngkot
- 5 Kɪ sim kɪ her
- 6 Ka nang ban rwaɪ

Lynnong 5

ANALAI SIS (ANALYSIS)

Analaisis (Analysis) ka mut ka jingpynia-
bynta ia kɪ senten ha kɪ bynta jongka

Ia u briew ne kaeɪ kaeɪ shaphang jong uba
ngɪ kren la khot ka *Sobjek* (Subject)

Ia kaeɪ kaeɪ ba ngɪ kren shaphang ka Sobjek
la khot ka *Preai ket* (Predicate)

Subjek	Prediket
1 Kɪ sim	kɪ her
2 Kɪ masɪ	kɪ bam phlang
3 Ka lyer bakhriat	' ka bɛh hangne mynmiet,
4 U Kasabianka	' u la ieng ha ka lieng bapluh

- 5 I khunblang barat i la bud kat shaba ka Mary ka leit
 6 Ban pule ki kot babha ka long ka ba sngewtynnad
 (Phi*) shong khop
 *Ia ka ktien Phi i sngewthuh ba ka dei ka Sobjek, namarkata
 la buh hapoh brakat

Ka Sobjek babiet—

1 Ha ka Senten—*Nga bam ja* Ka Sobjek
 ka long “nga”

2 I *sim* barat i pah jib jib Ka Sobjek
 ka long i *sim*

3 Ka *Tymmen* baduk bapli ka ioh jingbam
 tang khyndiat Ka Sobjek ka long “ka tymmen”

Ngı pyniabynta kumne bad ruid lain ia ka
 Sobjek

No	Sobjek	Prediket
1	Nga	bam ja
2	I sim barat	i pah jib jib
3	Ka Tymmen baduk bapli	ka ioh jingbam tang khyndiat

JINGPYRSHANG 28

Analais ia kine ki Senten harum bad ruid
 lain ia ki Sobjek —

- 1 Ka Meri ka don i khunblang barat
 2 Ka tyngab babiet ka la pyrshang ban
 rwai

- 3 Ngam don pisa
 4 Mih shabar
 5 K1 basniew k1 tap la la k1 pop

II *Ka Prediket babert*

Ha ka Senten—‘K1 sim k1 her ka ktien ‘her’
 ka dei ka Prediket babert

Ha ka Senten—U Syiem u la jubab da ka
 babitar Ka ktien, “jubab” ka dei ka Prediket
 babert

Ha ka Senten—Ka thoh k1 dak bashai Ka
 ktien, “thoh” ka dei ka Prediket babert

Ng1 pynabynta (analyse) kumne —

No	Sobjek	Prediket	
		Berb	K1wei k1 bynta ka Prediket
1	K1 sim	k1 her	
2	U Syiem	u la jubab	da kaba bitar
3	Ka	thoh	k1 dak bashai

III *Jingpynheh la ka Sobjek*

- 1 K1 khynnah basniew k1 tap la k1 pop
 2 Ka kmie ka Shir1 ka pang
 3 U Babu nongkyndong u la hikai ha la
 ka skol it

1 Ha ka senten ka banyngkong ka ktien, “basniew” ka batai pynheh ia ka subjek, “khynnah” la khot ia kata jingpynheh ia ka subjek

2 Ha ka baar, ka ktien kmie ka dei ka Subjek bad ka ktien “Ka Shiri” ka pynheh ia ka Subjek kmie

3 Ha ka balai, ka ktien “nong-kyndong” ka pynheh ia ka Subjek “Babu”

Ia kine la khot “*Jingpynheh ia ka Subjek*”

Ngı pyniabynta kumne —

No	Subjek		Prediket	
	Subjek	Jingpynheh ia ka subjek	Berb	Kıwei kı bynta ka Prediket
1	Kı khynnah	basniew	kı tap	la kı pop
2	Ka kmie	Ka Shiri	ka (long)	pang
3	U Babu	nongkyndong	u la hikai	ha ka skul

IV *Ka jingpyniar ia ka Prediket*

(Ka Extension of the Predicate)

1 Ha ka Senten—“U Syiem u la jubab *da kaba bitar*” Ka ktien *da kaba bitar* ka pyniar ia ka Berb “la jubab”

2 Phı la khreh *bha* ia la kı kot Ka ktien *bha* ka pyniar ia ka Berb “Khreh”

3 Ka thoh shai bha ia ki dak Hangne
shai bha ka pyniar ia ka Berb “thoh”

No	Sobjek			Predil et	
	Sobjek	Jingpynheh ia ka sobjek	Berb	Jingpyniar ia ka Prediket	Kiwei ki bynta jong ka Prediket
1	Syiem	u	u la jubab	da kaba bitar	
2	Phi		la khreh	bha	ia la ki kot
3	Ka		thoh	shai bha	ia ki dak

V Ka jingpynheh ia ka objek

1 Ka masi ka iet ia la ka khun

Hangne ka ktien “khun” ka dei ka objek
 bad ki ktien *la ka* ka pynheh ia ka objek

2 Ki khynnah ki dei ban kohnguh ia ki kmie ki kpa jong ki

Hangne ki ktien, *kmie ki kpa* ki dei objek bad
jong ki ka pyniar ia ka objek

3 Nga la iashem ia ka khynnah nongkyn- dong warit.

Hangne k₁ ktien, “nongkyndong barat”
k₁ dei k₁ba pynheh ia ka objek

No	Sobjek			Prediket		
	Sobjek	Jingpynheh ia ka Sobjek	Berb	Objek	Jingpyn- heh ia ka objek	Jingpyn- heh ia ka Berb
1	Masi	ka	ka iet	khun	ia la ka	
2	Khynnah	k ₁	kohnguh	kmie k ₁ kpa	ia la jong k ₁	k ₁ dei
3	Nga		ia iashem	ia ka khyn nah	nong kyndong barit	

Lynnong 6

KA KOMPLIMEN (COMPLEMENT)

Haba ng₁ ong, “I khunlung i rykhie” ne
“k₁ sim k₁ her” ng₁ sngewthuh ba ka sentens
ka don ka jingmut ba biang, hynrei haba ng₁
ong, “I khunlung I long, ka jingmut kam long
kaba biang dei ban iathuh i long i ei, te ng₁ pyn-
dap da kaba ong, “I khunlung i long i kynthei”.
Ka ktien, “long” ka dei ka Berb kaba ka Prediket
kam biang pura la khot ka berb bym biang pura,
(Incomplete Verb) bad ka ktien, “I kynthei”
ka pynpura ia ka jingmut bad ia kane ka ktien
la khot ka Complimen (Complement)

Kum — 1 U Ram Singh u long u *Shipai*.

2 K₁ miet mynta k₁ la kylla *khriat*.

- 3 U Jakob u la long *Pastor*
 4 Ka imat *bam suk*
 5 K_i khynnah shynrang k_i la
 thung kapten ia u

No	Subjek			Prediket		
	Sobjek	Jingpyn heh ia ka sobjek	Berb	Objek	Kompli- men	Jingpynheh ia ka Prediket
	U Ram		u long		u shıpai	
2	K _i miet k _i	mynta	la kyl la		khırat	
3	U Jakob		la long		Pastor	
4	Ka		ımat		bam suk	
5	Khyn- nah shyn- rang	k _i	la thung	ia u	Kapten	

JINGPYRSHANG 29.

Analais ia kine k_i Senten harum —

- 1 K_i khynnah k_i la shem ia ka skum sım
 2 Shıbun k_i la kyllon ıap
 3 Ka kot kaba ha ka des ka long ka jong
 nga
 4 Ka sngı ka aı jingsha' ia ngı mynsngı

5 Ngam iohthiah wat shi khyllipmat ruh
hynne mynmiet

6 Nga la iehnoh ia ki tiar jongnga ha
Steshon

7 Ngim sa hikai thoh hapoh shi snem

8 Ka khnai ka la pynkyndit ia u Sing

9 U la ot ia ka shympriah ktı da ka tarı

10 Phi la iohı ia u Tiew Kulab khlem shıah?
